

Bosna i Hercegovina
Federacija Bosne i Hercegovine
Zeničko-dobojski kanton
OPĆINA VAREŠ
OPĆINSKO VIJEĆE



Broj: 01-133/25
Vareš, 29.05. 2025. godine

Z A P I S N I K
sa 6. sjednice Općinskog vijeća Vareš,
održane 29.04. 2025. godine

Predsjedavajući OV pozdravio je sve prisutne.

Prisutni vijećnici: Amela Mešić, Asim Balta, Asmir Čizmo, Dario Dodik, Denis Kovačević, Dževad Mahmutović, Edin Ibrišimović, Igor Hinger, Igor Šimić, Irma Rožajac, Malik Rizvanović, Nazif Hajrić, Nermin Hrvat, Nikola Šimić, Semir Memić, Srđan Franjić, Zdenko Franjić i Zdravko Barkić.

Odsutni: Šaban Ibrišimović.

Malik Rizvanović, predsjedavajući Općinskog vijeća Vareš konstatira da Vijeće može raditi jer ima kvorum za rad sjednice.

Predsjedavajući OV otvorio je 6. sjednicu s početkom u 14.00 sati u velikoj sali Općine Vareš.

Pored vijećnika sjednici prisustvuju: Mersad Đido, sekretar OV; pomoćnici načelnika: Ermin Musa i Ibrahim Spahić, Rusmir Berberović, rukovodilac JURA; Mirza Fatić i Dragan Orozović ispred Službe za privredu, finansije i trezor; direktori javnih preduzeća, Suljo Abadžija, Zafer Kamenjaš i Ivan Miletović i predstavnici medija.

Mersad Đido, sekretar OV izvijestio je prisutne da je na 5. sjednici OV održanoj 27.03. 2025. godine, Vijeće donijelo jedan (1) zaključak koji je u toku realizacije. Postavljena su dva (2) dopunska pitanja na koje je dat odgovor. Postavljeno je sedam (7) vijećničkih pitanja, na sva pitanja dat je odgovor pisanim putem.

(Izjašnjavanje vijećnika o dobivenom odgovoru)

Vijećnik Dario Dodik u svom obraćanju postavio je dopunska pitanja:

- Kada će biti rekonstruisana rasvjeta u ul. Novakovići, s obzirom da ne radi ni jedna sijalica već dvije godine?
- Kada je planirana rekonstrukcija ul. Novakovići?

Vijećnik Semir Memić traži odgovor na vijećničko pitanje sa 4. sjednice OV u vezi MZ Neprivaj i projekta za rasvjetu. Pitanje je glasilo: „Postoji projekat da se radi rasvjeta u MZ Neprivaj i Donji Neprivaj i do škole u Slivnu, u kojoj je fazi taj projekat?“

Vijećnik Nikola Šimić uputio je primjedbu na vijećničko pitanje sa 5. sjednice OV. U pitanju je ulica Nikovac, jedina makadamska ulica u gradu. Da li je iko otišao da pogleda u kakvom je stanju i šta se tu treba uraditi? Također je tražio da se obidu i lokalne ceste.

(Vijećnička pitanja i Inicijative)

Zdravko Barkić

1. Kada će se napraviti program sanacije općinskog budžeta? S obzirom na to da je na prošloj sjednici OV spomenut deficit općinskog budžeta u iznosu od 3.600.000,00 KM.

Igor Šimić

2. Postoji li mogućnost da mjesto gdje se nalazila stara kuća, koja je srušena – preko puta pravoslavne crkve i zgrade P+4, da se kultiviše i naspe šljunak kako bi građani mogli taj prostor koristiti kao parking prostor?
3. U centru grada nam se nalazi javna česma Toplik, i svi znamo da ta voda nije za piće. Svakodnevno se ta voda izljeva na cestu i jako je neugodnog mirisa. Postoji li mogućnost da u suradnji sa komunalnom službom provjerimo šta se može uraditi po tom pitanju?

Nermin Hrvat

4. Da li se u narednom periodu ima u planu sanacija potpornog zida u ul. Ljevarska S 5, u Vareš Majdanu, na lokaciji gdje se prošle godine stvorilo klizište? Stanari pomenutih stambenih objekata su zabrinuti da ne dođe do veće količine padavina u tom slučaju zadesili bi ih isti problemi.
5. Na 3. sjednici OV koja je održana 29.01. 2025. godine, postavio je vijećničko pitanje upućeno Direkciji za ceste ZDK koje je glasilo: „Kada će doći do realizacije udarnih rupa na regionalnom putu R-444, jer vidimo da je ovaj put zaista u katastrofalnom stanju? Jednostavno, ove udarne rupe predstavljaju veliku opasnost za učesnike u saobraćaju a samim tim i oštećenja na motornim vozilima. (Pitanje uputiti Kantonalnoj direkciji za ceste ZDK)“. Do sada na ovo pitanje nije dobio odgovor. Pitanje sada glasi: Zašto nije došlo do sanacije udarnih rupa na regionalnom putu R-444 na dionici puta Breza–Vareš? U protekloj sedmici usljed obilnih padavina došlo je do popunjavanja udarnih rupa vodom te su vozači motornih vozila imali velike materijalne štete na vozilima (oštećene su felge i gume). (Pitanje uputiti Kantonalnoj direkciji za ceste ZDK).

Igor Hinger

6. Mnoga naseljena mjesta nemaju tablu uz prometnicu sa imenom naseljenog mjesta. Uz R-444 (sa ograncima) treba postaviti table (npr. Ponikve, Zvijezda, Ravne ...) kao i na lokalnim prometnicama, ondje gdje ih nema. Pitanje upućeno Direkciji za ceste ZDK i Službi za prostorno uređenje Općine Vareš.

Amela Mešić

7. Pitanje se odnosi na most i put u naselju Berbići u MZ Dabrevine, koji je ozbiljno oštećen tokom poplava 2014. godine, a svaka jača kiša od tada, dodatno pogoršava stanje. Prema informacijama kojima raspolaže postoji projekat za sanaciju od strane nadležnog ministarstva. Molim Vas da mi odgovorite u kojoj je fazi trenutno projekat?

Nikola Šimić

8. Da li iko poduzima određene mjere po pitanju prekomjernog tereta pojedinih prijevoznika zbog kojih trpe naše lokalne i regionalne ceste od strane onih koji ceste koriste i na njima zarađuju. Ostavljaju živi kaos, bilo gdje da krenemo da li prema Vijaci, Dubošćici, nova cesta od Križa do Igrišta sve se ove ceste lagano uništavaju i zahtijevaju investicije. U Zakonu provjeriti na koji način doći do sredstava koja bi barem malo popravila loš proračun u našoj općini.

Dario Dodik

9. S obzirom da neslužbeno znamo da je Općinski načelnik na bolovanju, kome da se obrate građani za stvari koje bi pitali načelnika Općine Vareš? Da li je neko imenovan za zamjenika koji vrši funkciju dok je načelnik na bolovanju?

Predsjedavajući OV stavio je na raspravu Zapisnik sa 5. sjednice OV.

Nije bilo učesnika i predsjedavajući OV stavio je na izjašnjavanje Zapisnik sa 5. sjednice OV i nakon izjašnjavanja vijećnika konstatuje da je **sa 18 glasova „ZA“ usvojen Zapisnik sa 5. sjednice OV.**

Predsjedavajući OV stavio je na raspravu prijedlog dnevnog reda 6. sjednice OV koji je usaglašen na Kolegiju Općinskog vijeća.

Nije bilo učesnika i predsjedavajući OV stavio je na izjašnjavanje prijedlog dnevnog reda 6. **sjednice OV** i nakon izjašnjavanja vijećnika konstatuje da je **sa 18 glasova „ZA“ usvojen sljedeći**

Dnevni red

1. Prijedlog Odluke o zaštiti izvorišta Studenac–Mrestilište, općina Vareš.
Izvestilac: Dragan Orozović
2. Prijedlog Zaključka o prihvatanju Mišljenja Općinskog načelnika o ustupanju na korištenje ribolovnog područja/zona općine Vareš i prijedlog visine naknade.
Izvestilac: Dženan Džafo
3. Prijedlog Rješenja o imenovanju Komisije za odabir korisnika sredstava Budžeta Općine Vareš za 2025. godinu – grant za neprofitne organizacije.
Izvestilac: Rusmir Berberović
4. Izveštaj o radu JP „Veterinarska stanica“ d.o.o. Vareš za 2024. godinu.
Izvestilac: Direktor JP

5. Izvještaj o radu i poslovanju JKP d.o.o. Vareš za 2024. godinu.
Izvestilac: Direktor JKP
6. Izvještaj o radu i poslovanju JP „Vareš-stan“ d.o.o. Vareš za 2024. godinu.
Izvestilac: Direktor JP
7. Izvještaj o štetama nastalim usljed prirodne nesreće izazvane kišom i poplavama tokom oktobra 2024. godine na području općine Vareš.
Izvestilac: Ibrahim Spahić
8. Izvještaj o realizaciji Programa finansiranja komunalnih djelatnosti u 2024. godini.
Izvestilac: Ermin Musa
9. Informacija o zimskom održavanju lokalnih i regionalnih puteva i gradskih ulica.
Izvestilac: Ermin Musa
10. Informacija o ostvarenim prihodima u 2024. godini po osnovu odluka Općinskog vijeća Vareš.
Izvestilac: Mirza Fatić
11. Tekuća pitanja

Ad. 1.

**(Prijedlog Odluke o zaštiti izvorišta
Studenac–Mrestilište, općina Vareš)**

Komisija za statutarna pitanja i propise na 4. sjednici održanoj 23.04. 2025. godine jednoglasno je usvojila sljedeći Zaključak:

- Komisija nema primjedbi na Prijedlog Odluke o zaštiti izvorišta Studenac-Mrestilište, općina Vareš, te istu upućuje Vijeću na razmatranje.

Ispred ovlaštenog predlagača Dragan Orozović dao je dodatno pojašnjenje za ovu tačku dnevnog reda.

Otvorena je rasprava u kojoj su učestvovali vijećnici: Igor Hinger (*traži informaciju da li je nadležna služba postupila po zaključku Kolegija, odnosno da li je UGSR Vareš i predstavniku izletišta Mrestilište dostavljen Zapisnik sa održanog sastanka*), ispred Službe za privredu, finansije i trezor Dragan Orozović (*izvijestio je prisutne da su predstavnici telefonski obavješteni da se obrate u nadležnu službu zbog preuzimanja Zapisnika*), Malik Rizvanović (*sugerisao je da nadležna služba UGSR Vareš i predstavniku Mrestilišta putem pošte dostavi Zapisnik*), Denis Kovačević (*mišljenja je da je uz Prijedlog Odluke bilo potrebno dostaviti i određene karte, uz pojašnjenje postavio je pitanje da li se to uklapa u okvire Pravilnika po kojem je urađena Odluka i obzirom da se izvorište preklapa sa vodozaštitnim područjem rijeke Bukovice ima li kakvih smetnji*), Nikola Šimić (*mišljenja je da je uz Odluku trebalo dostaviti i karte, postavio je pitanje zašto je iz vodovoda koji se odnosi na Pogar-Zaruđe-Strica izostavljen Javornik*), Dragan Orozović (*izvijestio je prisutne da svi koji žele mogu imati uvid u Projekat sa kartama i mogu dobiti kopiju karti, dao je odgovore na pitanja postavljena u raspravi, na pitanje u vezi vodovoda za Javornik izjavio je da na to pitanje odgovor može dati direktor JKP d.o.o. Vareš*).

Zaključena je rasprava i predsjedavajući OV je stavio na izjašnjavanje Prijedlog Odluke o zaštiti izvorišta Studenac-Mrestilište, općina Vareš.

Nakon izjašnjavanja vijećnika predsjedavajući OV konstatuje da sa **17 glasova „ZA“**, i **1 „SUZDRŽANIM“ glasom usvojena**

Odluka o zaštiti izvorišta Studenac-Mrestilište, općina Vareš.

Ad. 2.

(Prijedlog Zaključka o prihvatanju Mišljenja Općinskog načelnika o ustupanju na korištenje ribolovnog područja/zona općine Vareš i prijedlog visine naknade.

Izjavitelj nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Zaključka o prihvatanju Mišljenja Općinskog načelnika o ustupanju na korištenje ribolovnog područja/zona općine Vareš i prijedlog visine naknade.

Nakon izjašnjavanja vijećnika, predsjedavajući OV konstatuje da je sa **18 glasova „ZA“ glasova usvojen**

Zaključak o prihvatanju Mišljenja Općinskog načelnika o ustupanju na korištenje ribolovnog područja/zona općine Vareš i prijedlog visine naknade.

Ad. 3.

(Prijedlog Rješenja o imenovanju Komisije za odabir korisnika sredstava Budžeta Općine Vareš za 2025. godinu – grant za neprofitne organizacije)

Izjavitelj nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Rješenja o imenovanju Komisije za odabir korisnika sredstava Budžeta Općine Vareš za 2025. godinu – grant za neprofitne organizacije.

Nakon izjašnjavanja vijećnika, predsjedavajući OV konstatuje da je sa **18 glasova „ZA“ usvojeno**

Rješenje o imenovanju Komisije za odabir korisnika sredstava Budžeta Općine Vareš za 2025. godinu – grant za neprofitne organizacije.

Ad. 4.

(Izveštaj o radu JP „Veterinarska stanica“ d.o.o. Vareš za 2024. godinu)

Izjavitelj nije imao dodatno pojašnjenje za ovu tačku dnevnog reda.

Otvorena je rasprava u kojoj su učestvovali vijećnici: Zdravko Barkić (*uz pojašnjenje traži od direktora preduzeća dodatno pojašnjenje Izveštaja sa akcentom na finansijski dio*), Semir Memić (*postavio pitanje u vezi plana poslovanja za 2025. godinu s obzirom na*

povećanje minimalne plaće i doprinosa), Dario Dodik (obzirom da je u Izvještaju navedeno da Općina Vareš na dan 31.12.2024. godine ima oko 11.000 KM neizmirenih obaveza prema preduzeću sugerise da se isto realizuje ako to u međuvremenu nije izmireno), Igor Hinger (pitanje za direktora da li ima podatak koliko približno stanovnika Vareša koristi usluge drugih veterinarskih stanica i koji su razlozi), Malik Rizvanović (postavio pitanja u vezi cjenovnika privatnih veterinarskih stanica i djelovanja drugih veterinarskih stanica na našoj općini), direktor Suljo Abadžija (upoznao je prisutne sa poslovanjem preduzeće i razlozima smanjenja posla odnosno negativnog poslovanja, dao je odgovore na postavljena pitanja u raspravi) i Zdravko Barkić (replika).

Zaključena je rasprava i predsjedavajući OV stavio je na izjašnjavanje Izvještaj o radu JP "Veterinarska stanica" d.o.o. Vareš za 2024. godinu.

Nakon izjašnjavanja vijećnika, predsjedavajući OV konstatuje da je sa **18 glasova "ZA"** usvojen

Izvještaj o radu JP „Veterinarska stanica“ d.o.o. Vareš za 2024. godinu.

Ad. 5.

(Izvještaj o radu i poslovanju JKP d.o.o. Vareš za 2024. godinu)

Izvjestilac nije imao dodatno pojašnjenje za ovu tačku dnevnog reda.

Otvorena je rasprava u kojoj su učestvovali vijećnici: Zdenko Franjić (iznio mišljenje u vezi zimskog održavanja u mjesecu decembru 2024. godine, izjavio da će Klub vijećnika SDP podržati Izvještaj), Igor Hinger (uz pojašnjenje postavio pitanja da li se može realizovati priključenje vodovoda do Javornika, da li preduzeće finansijski podržava rad udruženja, iznio problem nedostatka kontejnera na određenim lokacijama i sl.), Semir Memić (postavio pitanje da li će povećanje minimalne plaće i doprinosa uticati na rad preduzeća, izjavio da će Klub vijećnika NiP-a podržati Izvještaj), Dario Dodik (pitanje za općinske službe „da li su planirani ili urađeni projekti za prioritete iz oblasti komunalne infrastrukture koje je dostavila Skupština JKP d.o.o. Vareš“, uz pojašnjenje traži da se prihvati koje preduzeće ostvaruje od korištenja opreme koju je Općina dala na upravljanje evidentiraju i budu stavka koja će se kompenzirati kroz potraživanja prema Općini), Nermin Hrvat (uz pojašnjenje postavio je pitanje direktoru „zašto nije realizovan dio ugovora o održavanju gradske higijene, jer je Općina za potrebe održavanja angažovala fizička lica, izjavio je da će Klub vijećnika podržati Izvještaj) i Zdravko Barkić (iznio je primjedbe u vezi održavanja gradske higijene, uz pojašnjenje sugerisao je direktoru da svojim primjerom održavanja čistoće pokažete da mislite na ovaj grad, iznio je problematiku odvoza krupnog otpada i mišljenja je da Vijeće treba razmotriti mogućnost donošenja odluke koja će regulisati ovu materiju u smislu da su fizička lica dužna sama smjestiti/odvući krupni otpad na odgovarajuće mjesto koje je i namijenjeno za te svrhe).

Direktor Zafer Kamenjaš u svom obraćanju odgovorio je i dao pojašnjenje na postavljena pitanja u raspravi, upoznao je prisutne sa određenim projektima, realizovanim i planiranim aktivnostima preduzeća na poboljšanju rada i pružanja usluga građanima. Također je upoznao prisutne sa određenim problemima sa kojima se preduzeće susreće u svom radu i izjavio da je spreman sa svaki vid saradnje a sve u svrhu rješavanja određenih problema.

Predsjedavajući OV je na osnovu izlaganja direktora predložio da direktor Kolegiju OV uputi Inicijativu za održavanje tematske sjednice na kojoj bi se raspravljalo o oblasti komunalnih djelatnosti.

Pomoćnik načelnika Ermin Musa uputio je repliku na određeno izlaganje direktora. Zaključena je rasprava i predsjedavajući OV stavio je na izjašnjavanje Izvještaj o radu i poslovanju JKP d.o.o. Vareš za 2024. godinu.

Nakon izjašnjavanja vijećnika predsjedavajući OV konstatuje da je sa 17 glasova „ZA“ i 1 „SUZDRŽANIM“ glasom usvojen

Izvještaj o radu i poslovanju JKP d.o.o. Vareš za 2024. godinu.

Predsjedavajući OV dao je pauzu u trajanju 20 minuta.
Nastavljeno je sa radom.

Ad. 6.

***(Izvještaj o radu i poslovanju
JP „Vareš-stan“ d.o.o. Vareš za 2024. godinu)***

Izvjestilac nije imao dodatno pojašnjenje za ovu tačku dnevnog reda.

Otvorena je rasprava u kojoj su učestvovali vijećnici: Nazif Hajrić (*traži pojašnjenje koji se tačno radovi podrazumijevaju pod stavkom „elektroinstalaterski radovi“, postavio pitanje „da li je u protekloj godini bilo fasadnih radova na zgradama od strane preduzeća, sugeriše da se u narednom Izvještaju pod stavkom „izvršene usluge“ navede na kojim objektima/zgradama su izvršeni određeni radovi i koliko sredstava je utrošeno za iste kao i koliko koja zgrada ima sredstava na svojim računima*), Semir Memić (*u Izvještaju je navedeno da je nenaplaćena realizacija dosta velika iz razloga što je teško doći do podataka vlasnika stanova koji su prodati i u vezi toga izjavio je da notar posjeduje sve kupoprodajne ugovore i vrlo lako se može doći do tih podataka*), Zdenko Franjić (*u Izvještaju je navedeno da je iznos nerealizovanih prikupljenih sredstava 63.762 KM, da li su ta sredstva još uvijek na računu*), Zdravko Barkić (*iznio je svoje mišljenje o poslovanju i problemima zbog kojih preduzeće posluje negativno, smatra da je Općina trebala i treba iskoristiti mogućnosti od strane viših nivoa vlasti kada je u pitanju sufinansiranje pojedinih projekata-sanacija fasada, utopljavanje i sl.*), Asmir Čizmo (*podsjetio je Vijeće da je u ranijem sazivu donesen zaključak za održavanje tematske sjednice OV na kojoj bi se razmatrala problematika u JP „Vareš-stan“ d.o.o. Vareš, uz pojašnjenje postavio pitanje „da li je u nadležnosti Općine/Općinskog vijeća ili je u nadležnosti viših instanci donošenje Odluke kojom bi se spriječila prodaja i uknjižba stanova i poslovnih prostora ako prodavac ima dugovanja prema preduzeću, postavio je pitanje vezano za problematiku hidranata i PPA u zgradama*), Malik Rizvanović (*uz pojašnje postavio je pitanja „koliko je JP „Vareš-stan“ d.o.o. Vareš podnio tužbi u 2024. godini za neizmirene obaveze, koliko se poboljšala naplata u 2024. godini u odnosu na 2023. godinu i koliko je JP „Vareš-stan“ d.o.o. Vareš imao ugovora i poslova sa kompanijom Adriatic Metals BH d.o.o. Vareš*), Zdravko Barkić (*replika*), Malik Rizvanović (*na osnovu diskusije u raspravi traži da ako je u mogućnosti JP „Vareš-stan“ d.o.o. Vareš dostavi Vijeću informaciju o stanju održavanja stambenih zgrada sa pojedinačnim stanjem sredstava utroška u stambene objekte u 2024. godini i naplate po zgradama*) i Edin Ibrišimović (*postavio pitanje direktoru „da li postoji mogućnost da se Vijeću dostavlja kvartalni izvještaj o radu preduzeća*).

Direktor Ivan Miletović u svom obraćanju dao je odgovore na postavljena pitanja vijećnika u raspravi i upoznao Vijeće o provedenim radnjama na stambenim objektima.

U daljnjoj raspravi su učestvovali vijećnici: Asim Čizmo (*replika*), direktor Ivan Miletović (*odgovorio na pitanja vijećnika Čizmo Asmira*), Nazif Hajrić (*replika*), Asim Balta

(uz pojašnjenje predložio je da se donese zaključak da se hitno promjeni Skupština i Nadzorni odbor preduzeća) i Zdravko Barkić (uz pojašnjenje predložio je da nadležne općinske službe konsultuju se sa drugim firmama koje se bave održavanjem zgrada, razmotre eventualnu mogućnost angažiranja tih firmi i gašenja našeg preuzeća).

Zaključena je rasprava i predsjedavajući OV stavio je na izjašnjavanje Izvještaj o radu i poslovanju JP "Vareš-stan" d.o.o. Vareš za 2024. godinu.

Nakon izjašnjavanja vijećnika predsjedavajući OV konstatuje da sa **2 glasa "ZA", 14 glasova "PROTIV" i 1 "SUZDRŽANIM" glasom** (odsutan vijećnik Dodik Dario) **nije usvojen**

***Izvještaj o radu i poslovanju
JP „Vareš-stan“ d.o.o. Vareš za 2024. godinu.***

Ad. 7.

***(Izvještaj o štetama nastalim usljed prirodne nesreće izazvane kišom
i poplavama tokom oktobra 2024. godine na području općine Vareš)***

Pomoćnik načelnika Ibrahim Spahić dao je dodatno pojašnjenje za ovu tačku dnevnog reda.

Otvorena je rasprava u kojoj su učestvovali vijećnici: Edin Ibrišimović (*postavio je pitanja „ko finansira radove na sanaciji klizišta u MZ Borovica Igršta-Bukovica, koja je tačno lokacija u Mijakovićima zahvaćena poplavama“*), Nikola Šimić (*uz pojašnjenje izjavio da je uslijed poplava u gradu nastalo niz malih klizišta koja treba sanirati a nisu navedena u Izvještaju*), Igor Hinger (*skrenuo je pažnju na stanje mosta/potpornog zida u Ponikvama i sugerisao da se u nekim od narednih projekata planira sanacija mosta*), ispred Službe za privredu, finansije i trezor Mirza Fatić (*dao je pojašnjenje u vezi izrade rebalansa budžeta radi nabavke mašine za čišćenje snijega*).

Pomoćnik načelnika Ibrahim Spahić u svom obraćanju dao je odgovore i pojašnjenja na postavljena pitanja u raspravi i iznio mišljenje u vezi prometovanja kamiona iz Banovića lokalnim cestama za potrebe kompanije Adriatic Metals.

U daljnjoj raspravi su učestvovali vijećnici: Zdravko Barkić (*uz pojašnjenje izjavio je da je jedini način na koji se mogu zaštititi lokalne ceste donošenje odluke o izradi vertikalne i horizontalne signalizacije na lokalnim cestama*), Semir Memić (*informisao prisutne da na dijelu puta sa Križa do Igrišta JP ŠPD radi jedan odjel*) i Nikola Šimić (*replika*).

Zaključena je rasprava i predsjedavajući OV stavio je na izjašnjenje Izvještaj o štetama nastalim usljed prirodne nesreće izazvane kišom i poplavama tokom oktobra 2024. godine na području općine Vareš.

Nakon izjašnjavanja vijećnika, predsjedavajući OV konstatuje da je sa **16 glasova "ZA"** (odsutni vijećnici Dario Dodik i Denis Kovačević) **usvojen**

***Izvještaj o štetama nastalim usljed prirodne nesreće izazvane kišom
i poplavama tokom oktobra 2024. godine na području općine Vareš.***

Ad. 8.
(Izveštaj o realizaciji Programa finansiranja
komunalnih djelatnosti u 2024.godini)

Izjavitelj nije imao dodatno pojašnjenje za ovu tačku dnevnog reda.

Otvorena je rasprava u kojoj je vijećnik Zdravko Barkić uputio kritiku da je malo sredstava planirano za komunalne djelatnosti obzirom na iznos novca koji je prikupljen od komunalne naknade.

Zaključena je rasprava i predsjedavajući OV stavio je na izjašnjavanje Izveštaj o realizaciji Programa finansiranja komunalnih djelatnosti u 2024. godini.

Nakon izjašnjavanja vijećnika predsjedavajući OV konstatuje da je sa 12 glasova „ZA“, 1 glasom „PROTIV“ i 3 SUZDRŽANA“ glasa (odsutni vijećnici Dario Dodik i Denis Kovačević) usvojen

Izveštaj o realizaciji Programa finansiranja
komunalnih djelatnosti u 2024. godini.

Ad. 9.
(Informacija o zimskom održavanju lokalnih
i regionalnih puteva i gradskih ulica)

Izjavitelj nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV konstatuje da je **Vijeće primilo k znanju**

Informaciju o zimskom održavanju lokalnih
i regionalnih puteva i gradskih ulica.

Ad. 10.
(Informacija o ostvarenim prihodima u 2024. godini
po osnovu odluka Općinskog vijeća Vareš)

Izjavitelj nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV konstatuje da je **Vijeće primilo k znanju**

Informaciju o ostvarenim prihodima u 2024. godini
po osnovu odluka Općinskog vijeća Vareš.

Ad. 11.
(Tekuća pitanja)

1. Dopis/Suglasnost na idejni projekat Sahat-kule u Varešu broj: 02/3-660/25 od 15.04.2025. godine dostavljen od Službe za prostorno uređenje.
U raspravi su učestvovali vijećnici Asmir Čizmo i Igor Hinger.

Predsjedavajući OV predložio je i stavio na izjašnjavanje sljedeći

Zaključak:

1. Daje se saglasnost na Idejni projekat Sahat-kule u Varešu, izrađen od Termo-beton d.o.o. Breza, januar 2024. godine, te da se može pristupiti izradi Glavnog projekta.
2. Nalaže se Općinskom načelniku da u saradnji sa Službom za prostorno uređenje predloži moguće lokacije za Sahat-kulu, te dostavi Općinskom vijeću na davanje saglasnosti za sljedeću sjednicu Općinskog vijeća.
3. Sastavni dio ovog Zaključka čini izvod iz idejnog projekta.
4. Ovaj Zaključak stupa na snagu danom donošenja.

Nakon izjašnjavanja vijećnika predsjedavajući OV konstatuje da je sa **14 glasova „ZA“** i **2 „SUZDRŽANA“ glasa** (odsutni vijećnici Dario Dodik i Denis Kovačević) **usvojen predloženi Zaključak.**

2. Zaključak Skupštine JKP d.o.o. Vareš o pokretanju Inicijative za nabavku opreme i izgradnju infrastrukturnih projekata, broj: 254-03/25 od 26.03.2025. godine.
Sekretar OV Mersad Đido upoznao je prisutne sa sadržajem Inicijative.

Predsjedavajući OV sugerisao je da se Zaključak Skupštine JKP d.o.o. Vareš dostavi Općinskom načelniku i Službi za prostorno uređenje na izjašnjavanje. Izjašnjavanje dostaviti Vijeću na narednoj sjednici.

3. Izvještaj o zimskom održavanju lokalnih puteva, ulica, trotoara i stepeništa za mjesec mart, broj: 02/3-657/25 od 14.04.2025. godine.

Predsjedavajući OV predložio je i stavio na izjašnjavanje sljedeći

Zaključak:

Traži se od Službe za prostorno uređenje Općine Vareš da umjesto Izvještaja o zimskom održavanju lokalnih i ostalih puteva, ulica, trotoara i javnih stepeništa, (Zaključak OV broj: 01-38/25 od 29.01. 2025.) sačini Izvještaj o ljetnom održavanju istih u prethodnom mjesecu sa podacima šta se uradilo u toku tog mjeseca i da isti dostavi OV.

Ovaj Zaključak stupa na snagu danom donošenja.

Nakon izjašnjavanja vijećnika predsjedavajući OV konstatuje da je sa **16 glasova „ZA“** (odsutni vijećnici Dario Dodik i Denis Kovačević) **usvojen predloženi Zaključak.**

4. Vijećnik Igor Hinger podsjetio je Vijeće na sastanak koji je održan 11.03.2025. godine u prostorijama Društvenog doma Pržići na osnovu zahtjeva mjesnih zajednica Pržići, Daštansko i Mir, a po Zaključku Općinskog vijeća Vareš. Predstavница kompanije Adriatic Metals BH d.o.o. gđa. Laura Tyler na sastanku je predložila da se formira tročlana radna grupa koju će činiti predstavnici kompanije Adriatic Metals BH d.o.o., predstavnici mjesnih zajednica i predstavnici Općine, a sve u svrhu iznalaženja rješenja za probleme i unapređenja daljnje saradnje. Vijećnik traži informaciju u kojoj je fazi formiranje radne grupe.

Predsjedavajući OV predložio je da **Stručna služba Općinskog vijeća pošalje Upit kompaniji Adriatic Metals BH d.o.o. Vareš kojim će tražiti povratnu informaciju u vezi sa formiranjem radne grupe.**

Pomoćnik načelnika Ermin Musa dao je odgovor na pitanje br. 9 postavljeno od vijećnika Dodik Darija: „Načelnik je počeo sa aktivnostima i radom od 21.04. 2025. godine u smanjenom obimu. Poslovi građana se mogu odrađivati preko općinskih službi.

Sjednica je završena u 18.17 sati.

Sastavni dio ovog Zapisnika je audio zapis 6. sjednice OV Vareš.



SEKRETAR
OPĆINSKOG VIJEĆA

Mersad Đido

ZAPISNIČAR

Azra Pijadžer

PREDSEDavajući
OPĆINSKOG VIJEĆA

Malik Rizvanović